

## مڈھلی گل

پنجابی میری مادری زبان اے۔ میں پنجاب دھرتی دی واسی تے پنجابی گڑی آں۔ پنجاب دی دھرتی میری جمن بھوئیں اے تے ایہدی جھولی وچ ای پل کے میں جوان ہوئی آں۔ میری جم پل لاہور دی اے۔ مڈھوں ای میرے گھر دیاں نوں چاہ سی کہ میں چنگی تعلیم حاصل کراں۔ ایس لئی اوہناں مینوں پڑھن لئی الہادی سکول وچ داخل کروادتا۔ میں ایس سکول توں میٹرک دا امتحان پاس کر کے نکلی، فیر تعلیم دا سلسلہ اگانہہ ودھاون لئی اجالا کالج شاہدرہ وچ داخلہ لیا تے او تھوں ایف اے دا امتحان پاس کیتا۔

ایف اے کرن توں بعد گورنمنٹ کالج یونیورسٹی لاہور وچ داخلہ لیا۔ ایٹوں بی اے (آنرز) دی ڈگری حاصل کرن توں بعد ایم فل پنجابی وچ پیر رکھیا۔ ایم فل دے پہلے دو سمسٹر میں ودھیا نمبریں نال پاس کیتے۔ ایس توں بعد مقالہ لکھن دی واری آئی۔ مقالے لئی نگران ڈاکٹر ظہیر حسن وٹوہوراں دی صلاح نال ”نور محمد نور کپور تھلوی دی پنجابی ادب نوں دین“ دے عنوان ہیٹھ کھوج دا کم کرن دا مڈھ بنھیا۔ موضوع تے کم کرنا اوکھا سی پر ڈاکٹر ظہیر حسن وٹوہورے ڈاکٹر شبنم اسحاق ہوراں دی رہنمائی نے میرے ایس کم نوں سوکھا کردتا۔ مینوں جتھے اوکڑاں دا سامنا کرنا پیا میرے استاداں میری رہنمائی کیتی۔ اوہناں میرا ہر اوکھ سوکھ وچ ساتھ دتا جیہدے کر کے میں چنگا تے بھرواں مقالہ لکھ سکی۔

میرے استادے مقالے دے نگران ڈاکٹر ظہیر حسن وٹوہوراں میرا ہر اوکھیاں وچ ساتھ دتا تے میرا حوصلہ ودھایا۔ اوہناں دی شفقت تے رہنمائی انملیاں شیواں میں۔ رب اوہناں نوں ہور عزت بخشے۔ ایس اپنے مقالے نوں پنج باباں وچ ونڈیا اے۔

پہلا باب: ”نور محمد نور کپور تھلوی دی حیاتی دے حالات تے واقعات“ ایس باب وچ اسیں نور محمد نور کپور تھلوی دی حیاتی بارے بھرویں گل بات کیتی اے جیہدے وچ اوہناں دے حالات زندگی، خاندان، جمن بھوئیں تعلیم، ملازمت، اولاد، خاندانی شجرہ تے ادبی رجھاں دا ذکر کیتا اے۔

میرے مقالے دے دو جے باب داسرناواں ”نور محمد نور کپور تھلوی دی مذہبی شاعری دا ویروا“ اے۔ ایس باب وچ میں نور محمد نور کپور تھلوی دی مذہبی شاعری دا ویروا کیتا اے۔

مقالے دے تیجے باب داسرناواں ”نور محمد نور کپور تھلوی دیاں پنجابی صنفاں دا ویروا“ اے۔ ایس باب وچ اسیں نور محمد نور کپور تھلوی دیاں پنجابی صنفاں دا ویروا کیتا اے۔

مقالے دا چوتھا باب ”نور محمد نور کپور تھلوی دیاں بدلی صنفاں دا ویروا“ اے۔ ایس باب وچ میں غزل، نظم بارے گل تے ایہناں اندر پیش کیتے گئے مختلف موضوعاں اُتے گل کیتی اے۔

میرے مقالے دا پنہواں باب ”نور محمد نور کپور تھلوی دی پنجابی ادب نوں دین“ اے۔ ایس باب وچ نور محمد نور کپور تھلوی ہوراں نے پنجابی ادب نوں جو کجھ دتا اے اوہدے بارے بھرواں چانن پایا اے۔

جی سی یونیورسٹی لاہور وچ چھ سال دا ویلا کیویں لنگھ گیا پتا ای نہیں چلیا۔ کیوں جے میر ایہہ ویلا میریاں سہیلیاں نال گزریا اے تے سہیلیاں بھیناں توں ودھ کے ہوندیاں نیں جیہناں میرا ہر اوکھ سوکھ وچ ساتھ دتا۔ اخیر تے میں اپنے استاد داں داشکر یہ ادا کرنی آں جیہناں کر کے میں ایس مقام تے اپڑی۔ رب ایہناں نوں لمی تے صحت والی حیاتی دیوے سدا ہسدے وسدے رہن تے پنجابی ادب دی سیوا کیتی رکھن۔ ماپیاں، بھین بھراواں تے دوستاں داوی شکر یہ جیہناں دیاں دعاواں نال میں ایہہ مقالہ لکھ سکی۔

اخیر تے اپنے ہم جماعتاں احسن بھٹی تے رباب طالب داوی اُچیچا شکر یہ ادا کرنی آں جیہناں پیر پیر تے میرا ساتھ دتا تے بھین بھراواں وانگ میرے نال کھلو تے۔ ایہہ وی سدا ہسدے وسدے رہن تے جوانیاں مانن۔

ایہہ مقالہ نرا امتحانی مقصد لئی نہیں لکھیا سگوں بڑی محنت تے لگن نال پنجابی ادب وچ چنگے وادھے نوں لکھ رکھ کے لکھیا اے۔ ایہدے چنگ مندا فیصلہ تاں تسیں کرو گے۔ میرے کولوں جو بنیا سر یا حاضر اے۔

مشبرہ باجوہ